

guos jam detulere fructus. Hi sunt, qui mihi innotuerunt: Joannes *Révaj* insignis poeta; *Rainisch* exjesuita qui ad litteraturam præsertim poesim hungaricam plurimum confert; *Váhli* litteraturam Hungariæ elegantiorum suis operibus multum auxit; Josephus *Grossing*, qui hodie in diversis utriusque Indiæ linguis indefesso studio laborat, ac potissimum earundem cum hungarica aliisque europeis affinitatem immensa eruditione dilucidat, cujus opus vastum et unicum proxime in lucem emittetur; Demetrius *Görög*, (primum institutor eximius comitis Ladislai Kollonics scientiis et virtutibus ornatissimi, et nunc regii cubicularii apud Archiducem JOSEPHUM Hungariæ Palatinum; dein excellentis juvenis Principis Pauli Esterhazii) plurimum ad hungaricæ linguæ culturam contulisse omnes norunt.

Jam Itali, ac posteriores Galli in conficiendis eorum universalibus lexicis nulla privatarum dialectorum habuere lexica, quemadmodum eadem ad meum propositum explendum undequaque sistuntur. Russi porrigunt grammaticam *Lomonosovii*, et dictionaria ab *Heim* et *Rodde* confecta. Bohemi præbent vocabularia a *Tham* et *Thomsa* ac ultimum a celebri *Dobrovskio* elaborata. Poloni contribuunt grammaticas *Kopczynskii* et *Cassai*, ac lexica *Maçzynskii*, *Cnapii* et